

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

§.I. In quibus Concilium Particulare, cum Generali conveniat.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

non sunt divina; ut patet ex eo, quod non obligant cum vita discrimine? Respondetur: Id provenire ex eo, quod Concilium Generale non sit Spiritu Sancti organum extra ea, quae sunt revelata, illave, quae fidem, vel bonos mores, proxime tangunt: idque, quia Ecclesia, quam representat, constituta est tantum visibilis fidei, morumque regula.

Dices iterum: Quomodo eadem est Generalis Concilii ac Scripturæ Sacrae autoritas, cum C. 4. de Elefantatur, à Romano Pontifice autoritatem, roburque suum accipere; Scriptura autem Sacra à Deo, non ab homine, suam accipiat autoritatem. Sed respondetur: Cap. oppositum ad rem non facere; quia, de rebus spectantibus Disciplinam, loquitur, ac hic comparatur Generalis Concilii autoritas cum Scripturæ autoritate, quoad res, quae fidem moreisque continentur.

§. IV.

Quæ sit inter Concilia Generalia distinctio.

REGULÆ.

Unica est inter Concilia Generalia notanda distinctio, quæ petitur ex Constitutionibus circa Disciplinam, quæque in eo sita est, quod alia aliis puriores ediderint.

RATIO: Duo tantum in Conciliis Generalibus considerari possunt. 1. Potestas definiendi, & statuendi. 2. Definitiones & Constitutiones.

Quoad Primum, nulla potest esse inter ea distinctio: quia, nec crevit, nec decrevit Ecclesia potestas, eadem semper manxit, ut & manebit: moderna etenim Ecclesia non minus est sponsa & organum Spiritus Sancti, Corpus, cuius Caput est CHRISTUS, columna & firmamentum veritatis, caffrorum acies ordinata, adversus quam portæ inferi prævalere nequeant, aliqua similia, quam primitiva: promissio Ecclesia factæ non sunt temporis obnoxiae:

C. 58. DIST. L. C. 5. CAUS. XXV. QUEST. I. Cor. rect. Röm. C. 2. CAUS. XXIV. QUEST. I.

Quoad Secundum, nulla etiam potest esse inter Concilia Generalia distinctio, si sermo sit de Definitionibus, & Constitutionibus, quae fidem moreisque respiciunt: cùm, circa illa, Definitiones & Constitutiones nequeant esse aliae aliis puriores.

Restat ergo, ut Concilia Generalia non distinguantur, nisi ratione Constitutionum, circa Disciplinam; nam præter Constitutiones circa fidem & mores, nullas alias facere potest, quam circa Disciplinam, circa quam, priorum Conciliorum Constitutiones ceterorum Constitutionibus videntur puriores.

Dices: Concilia Generalia, quoad autoritatem, & dignitatem, distingui inter se, afferresque ad hoc C. 28. DIST. L. in quo haec leguntur: *Quoties Conciliorum dictum est, sententia, illius magis tenenda est, cuius antiquior & potior est autoritas;* Unde, duplicitudo Concilium unum alteri prævalet autoritate, nempè dignitate, expressa hoc verbo, *potior,* & antiquitate, alio significata.

Idem habetur C. 11. CAUS. XXXIII. QUEST. II.

Respondetur: Illum Canonem loqui de Conciliis non Generalibus: conciliat enim Concilium Ancyrum, quod est Provinciale, cum alio Concilio Particulari; 2. Etsi loqueretur de Conciliis Generalibus, restringi posset ad res Disciplinae, in quibus antiquiora Concilia sunt aliis præferenda: quia, quae prioribus seculis seruebat devotione, succedentibus temporibus tenuit, & propterea majori in honore habentur juxta illud: antiquitati Patres sanxerunt reverentiam. C. 8. CAUS. IX. QUEST. III. C. 3. de translat. Nec non & istud: *Priſca, pro sua reverentia manere debent constituta* C. 1. DIST. LV. Adde, quod objectus Canon sit spurius, cùm defumatur ex Epistola Ildori ad Massonem, quæ supposititia est.

§. V.

In quibus Concilium Generale, à Particulari precipue differat.

REGULÆ.

Principia inter Concilium Generale, & Particulari discrimina non alia sunt, quam quæ sequuntur.

1. Solus Papa potest Concilium Generale convocare, in eoque præsidere; jus vero alia convocandi, in iisque præsidendi ad alios pertinet. DIST. XVII.

2. Generalia Concilia non sunt errori, nec peccato obnoxia: Particularia vero, utrique: Ideoque, illa ipsi præferenda, in his, quæ fidem; vel mores spectant; non autem in aliis, in quibus Particularia constituere possunt, quæ locis sibi Subditis congruentia, quam quæ à Generalibus constituta sunt, C. 1. de confit.

3. Generalia obligant totam Ecclesiam; Particularia vero, ex se ipsis, non ligant, nisi illius pars tam. Unde ista vocantur *Locales Synodi*, id est, certis Locis, quoad autoritatem, limitata.

C. 1. da Constitutionibus docens Statuta Canonum ab omnibus custodienda. C. 4. CAUS. I. QUEST. VII.

4. Concilia Generalia possunt condere articulos fidei, sive definitiones fidei facere, non item Concilia Particularia . . . C. 1. 2. DIST. XV.

5. Judicium Conciliorum Generalium circa Jus, est irreformabile: fecūs de aliorum Judicio . . . ibid.

6. Concilia Generalia inter se comparata, sunt equalis autoritatis: Concilia vero Particularia inter se comparata sunt inæqualis . . . ibid.

7. Quanto Generalia autoritate excedunt Particularia, ita illa superant numero.

8. Autoritas Canonum Conciliorum Generalium crescere nequit; aliorum vero crescere potest . . . C. 1. 2. DIST. XV.

9. Concilia Particularia Generalibus sunt antiquiora, nisi Concilium, de quo ACT. XV: Generalibus, tum propter infallibilitatem: tum propter personarum qualitatem, quæ Universam Ecclesiam representabant, accentuator.

Hæc discrimina colliguntur partim ex dictis circa Concilia Generalia, partim ex mox dicendis, circa Concilia Particularia: quæ enim sequuntur n. 2. 3.

4. 5. 6. 7. 8. sequuntur ex eo, quod Concilia Generalia pars sunt, cum Sacra Scriptura, autoritatis: Quæ haecne humanæ dicta sunt, & ex Corpore Juris defuncta, fusi explicabuntur in Observationibus, circa Concilia Generalia præcitat, quæ alii dñe, quam ex illo, eruentur.

Regulæ circa Concilia Particularia.

Concilia Particularia considerari possunt: 1. In genere. 2. In specie. Primo modo sumpta, queri potest circa ista Concilia: 1. In quibus, cum Generalibus convenient? 2. Quæ sit illorum divisio? 3. Cujus sit illa convocare, iisque præfesse? 4. Quæ illorum autoritas, & quanti facienda? 5. An aliqua Lex hujusmodi Concilia præcipiat? 6. In quibus inter se convenient, & differant?

§. I.

In quibus Concilium Particulare, cùm Generali conveniat.

REGULÆ.

Non in aliis, saltem notandis, Concilium Particulari, cùm Generali convenit, quam in sequentibus.

I. In Natura. Est enim Episcoporum congregatio à Superiori Ecclesiastico facta,

F. 4

2. In

2. In *Fine*. Convocatur enim, vel ad lites, aliasve turbas terminandas; vel ad exortas, circa fidem, vel mores, dubia solvenda; vel ad eorum solutionem, à Superiori factam, recipiendam; vel demum, ad abusus tollendos.

3. In *Potestate Leges Ecclesiasticas condendi*. Plerique enim Ecclesie Canones sunt à Conciliis Particularibus conditi.

4. *Circà ipsius Decreta interpretandi Jus*. Per tinet enim potissimum ad ipsius Convocatorem, & Praesidem.

5. Judicium utriusque circa facta, est reformabile.

6. Utrique Presbyteri interesse possunt.

7. Quam Canones sunt contrarii, posterior priorem corrigit. *C. I. de Cognat. Spirit.*

RATIO. Regula, que supra dictæ sunt convenientiæ verè sunt notandæ, utoptè desumpta ex his, que Concilii substantialia sunt: cetera, que adjici possunt, non sunt notata digna; utoptè ab accidentibus petita: nempe, ex circumstantiis Temporum, Locorum, & Personarum.

§. II.

Quæ sit Conciliorum Particularium divisio.

R E G U L A .

Tot sunt species Conciliorum Particularium, quot sunt Dignitates Episcopales, Papatui inferiores, quæ subditos sibi habent Episcopos.

RATIO. Quælibet hujusmodi dignitas subditos sibi Episcopos convocare potest. Hinc sequitur, tres tantum eff species Conciliorum Particularium, nempe Patriarchalium, Primatialium, & Archiepiscopali, sive Provincialium: cum tres tantum sint Papatui inferiores Dignitates Episcopales, quæ subditos sibi habeant Episcopos: nempe, Patriarchatus, Primatia, & Archiepiscopatus. Nota obiter: Concilia Archiepiscopalia vulgo dici Provincialia, quia Archiepiscopi distritus dicitur Provincia.

Queres, qua in Classe ponamus Concilia Nationalia, sive, quæ constant ex Episcopis totius alicuius Nationis?

Respondemus: Nos illa collocare, inter Primalia, si tota Natio sit sub uno Primate; si vero sub pluribus, inter Patriarchalia: idque, quia, qui his Conciliis præsunt, vices gerunt Patriarcharum; cum subditos sibi, ut præsidibus, habeant Primates. Si vero Natio non habeat Primatem, nec Patriarcham, cui subsit tota, Concilium illius Nationis ad nullam illorum speciem spectabit: sed si habeat plures Primates, qui præserit Concilio, munere Patriarchæ fungetur; cum plures sub se habiturus sit Primates, quod tempus, quo duraturum erit Concilium, istudque in illo, simile erit Concilio Patriarchali.

§. III.

Cujus sit Concilia Particularia convocare iisque præesse.

R E G U L A .

Quælibet Particularium Conciliorum species, ab ea convocatur dignitate, à qua denominatur, etiamque habet Praesidem, exceptis casibus de quibus Regula subsequens.

RATIO. Ejusdem est convocare Concilia iisque præsidere: utrumque autem convenit convocatorum Superiori, qui erga convocatos in Conciliis Particularibus est ipsa dignitas, à qua denominatur.

In *GALLIA*, quibusdam in casibus, convocat Concilia Provincialia Metropolitanus Vicarius, quibus

tamen non præsedit, sed antiquior Episcopus. Insigne exemplum habes, in Concilio *Narbonensi*, anni 1551. convocati à Vicario Generali Archiepiscopi *Narbonensis*; idque etiam in illo singulare, quod nullus Episcopus illi adfuit, sed soli Suffraganeorum & Archiepiscopi Vicarii Generales.

Hinc Concilia Patriarchalia, à Patriarcha convocantur, iisque præsedit; & sic de ceteris.

R E G U L A .

Non alii casus excipiuntur à Regula precedente, quam isti.

1. Quando vacat Sedes.

2. Cum vacare justa de causa creditur.

3. Quando Superioris Jurisdictione aliqua ligatur Censura.

4. Quando mente captus est, aut corpore captivus detinetur.

Queres: Cujus sit Jus convocandi & præsidiendi, in istis casibus.

Respondetur, illud pertinere tam juxta antiquos Canones, quam juxta novos, Episcopo antiquiori. *C. 2. Sess. xxiv. de ref. CONC. BASILIENS. Sess. xx.*

§. IV.

Quæ sit Conciliorum Particularium autoritas, & quanti facienda?

R E G U L A .

Ea est Conciliorum Particularium autoritas, quæ Ecclesiarum quas repræsentant.

RATIO. Non sunt illa Concilia aliud, quam istæ Ecclesiae congregatae.

Hinc Concilium, v. gr. Patriarchale, tantæ est autoritatis, quantæ Ecclesia Patriarchalis, quam repræsentat: ideoque, quo magis extenditur hec Ecclesia, pluresque habet sub se Episcopos, eò major est istius Concilii autoritas. Idem dic de Primatiali, & de Archiepiscopali, sive Provinciali.

R E G U L A .

Ceteris paribus, pluris facienda est Concilii Particularis quantumvis minimi, autoritas, quam Doctoris privati, quantumvis maximi.

RATIO. Conciliorum Particularium minimum, tribus, aut quatuor saltem Episcopis componitur: plurim autem Episcoporum sententia, Doctoris cuiusvis privati opinio prævalit; ceteris tamen paribus. Nam, si istius sententia validioribus nitetur argumentis, præferenda eset.

R E G U L A .

Decreta Concilii Particularis, quamvis à Papa confirmati, non ligant extræ Ecclesiam, quam repræsentat; nisi ab aliis recipiatur, vel Papa ad omnes alias extendat, & ipse illa recipiant.

RATIO. Patres istius Concilii non habent Jurisdictionem in alias Ecclesias; ideoque illis Legem ponere nequeunt: Papa confirms Decreta, eorum vim auget, sed non extendit. Dum Decreta hac, ab aliis Ecclesias recipiuntur, fiunt quodammodo illarum Decreta, sicut qui adoptatur, fit adoptatus filius. Ecclesiae cuiusvis Legi Particulari, vim Legis Universali tribueret potest Papa, sicut Princeps, ex Statuto alicuius Provinciae, Legem totius Regni efficeret potest. Sed ad hoc necessarium est, ut confirmativa Papa Constitutio, illiusque ad alias Ecclesias extensiva, ab ipsis acceptetur, ut diceatur, dum de acceptance Legum sermo fiet.

§. V.